

Páskablað Hjálparstarfs kirkjunnar 2018

Margt smátt ...



**Mig langar til
að vinna við að
sauma en ekki
stunda vændi**

HULDA SÓLEY JÓNSDÓTTIR*

Ungt fólk í fátækrahverfum Kampala, höfuðborgar Úganda, leiðist unnvörpum út í vændi og glæpi til þess eins að lifa af. Með markvissri aðstoð og iðngreina- námskeiðum öðlast þau þekkingu og sjálfstæði til að sjá fyrir sér á annan hátt.

GEFUM ÞEIM SÉNS!

Hringdu í **907 2003** og gefðu **2500 kr.** eða upphæð að eigin vali á **framlag.is**, eða **2.400 kr.** valgreiðslu í heimabanka.

Einnig er hægt að leggja inn á bankareikning 0334-26-50886, kt. 450670-0499.



Hjálparstarf
kirkjunnar

actalliance

* Stúlkan á myndinni tekur þátt í verkefni Hjálparstarfs kirkjunnar í Kampala. Nafnið er ekki hennar rétta nafn en textinn lýsir raunveruleikanum sem hún og fjöldi annarra ungmenna býr þar við.

Takk!

Heildarsöfnunarfé til verkefna Hjálparstarfs kirkjunnar í desember og janúar síðastliðnum var 73 milljónir króna, 41 milljón fyrir verkefni erlendis og 32 milljónir eyrnamerkta starfinu innanlands. Einstaklingar, fyrirtæki og samtök standa að baki þessum gjöfum.

Við segjum takk fyrir allan stuðninginn og meinum það! Við erum þakklát fyrir þennan mikla stuðning sem er alls ekki sjálfsgæður. Hann ber vott um traust sem við viljum standa undir og leggjum okkur því fram um að ná árangri og fara vel með fjármuni. Við fylgjum verklags- og síðareglum sem við höfum sett okkur og viljum vera tilbúin að læra og bæta okkur.

Hjálparstarf kirkjunnar hefur sett sér verklagsreglur um val á verkefnum og framkvæmd þeirra, úthlutun og aðstoð innanlands og um meðferð fjármuna. Í síðareglum Hjálparstarfsins segir m.a.:

- Starfsmenn sýna skjólstæðingum heima og heiman, styrktaraðilum, samstarfsmönnum og öðrum sem þeir eiga í samskiptum við, virðingu, sanngirni og trúnað.
- Hjálparstarfið veitir aðstoð á grundvelli þarfar án tillits til hverjir viðtakendur eru og hver sé orsök neyðarinnar.
- Hjálparstarfið veitir aðstoð til sjálfshjálpar og virkjar skjólstæðinga eins og mögulegt er, í öllu ferli aðstoðar.
- Hjálparstarfið leitast af fremsta megni við að vera gegnsætt í starfi sínu og veita ávallt faglegar og réttar upplýsingar og vera skýrt í skilgreiningum.

Fyrir síðustu jóla aðstoðaði Hjálparstarfið fólk sem býr við kröpp kjör á Íslandi svo það gæti gert sér dagamun

og glaðst með fjölskyldunni yfir hátíðarnar. Alls nutu 1304 fjölskyldur eða um 3500 einstaklingar um land allt aðstoðar en umsóknum um aðstoð fækkaði um 11% milli ára.

Aðstoð sem veitt er fyrir jóla tekur mið af aðstæðum hvers og eins og er fyrst og fremst í formi inneignarkorta fyrir matvöru en fólk fær einnig notaðan fatnað eða inneignarkort fyrir fatnaði, aðgöngumiða í leikhús og bíó og inneignarkort hjá vinsælum veitingastöðum meðal barna og unglunga. Þá fá foreldrar efnislega aðstoð svo börnin geti fengið jólagjafir sem þau hafa sett á óskalistann.

Með frábærum stuðningi almennings býðst fólki í neyð tækifæri til að taka þátt í valdeflandi verkefnum Hjálparstarfsins allt árið um kring. Það er nefnilega þannig að efnislegur stuðningur er nauðsynlegur en til þess að fólk geti rofið vítahring fátæktar og breytt aðstæðum sínum þarf valdeflandi aðgerðir. Valdefling er einmitt aðferð Hjálparstarfsins hér heima og í verkefnum erlendis.

Nú leitum við enn eftir stuðningi við starfið. Að þessu sinni til valdeflingar barna og unglunga í fátækrahverfum Kampala, höfuðborgar Úganda. Yfirskrift söfnunar okkar nú er „Gefum þeim séns“ en ungt fólk flykkist til Kampala úr sveitunum í von um betra líf. Margra þeirra bíður hins vegar að kúlðrast í fátækrahverfum þar sem neyðin rekur þau til að taka þátt í glæpa-gengjum eða selja líkama sinn til að geta séð sér farborða. Börn og unglingar í höfuðborginni eru því útsett fyrir misnotkun af ýmsu tagi og eymdin leiðir til þess að þau verða auðveldlega fíkniefnum að bráð.

Markhópur verkefnisins sem er til þriggja ára, frá 2017-2019, eru 1500 börn og ungmenni á aldrinum 13-24 ára. Markmiðið er að þau öðlist verkkunnáttu og geti nýtt sér hana til að sjá sér farborða. Takk fyrir að vera með og gefa börnum og unglungum í Úganda séns á mannsæmandi lífi!

Bjarni Gíslason,
framkvæmdastjóri Hjálparstarfs kirkjunnar



Bjarni Gíslason framkvæmdastjóri Hjálparstarfs kirkjunnar með ungu fólki í verkmenntamiðstöð í Kampala.

Hjálparstarf kirkjunnar actalliance

Framkvæmdastjóri: Bjarni Gíslason
Margt smátt ..., 1. tbl. 30. árg. 2018
Ábyrgðarmaður: Kristín Ólafsdóttir
Prentvinnsla:
Umbrot: Pipar\TBWA
Prentun: Ísafoldarprentsmiðja

GEFUM ÞEIM SÉNS!

Hringdu í **907 2003** og gefðu **2500 kr.** eða upphæð að eigin vali á **framlag.is**

Einnig er hægt að leggja inn á bankareikning 0334-26-50886, kt. 450670-0499 eða borga 2400 kr. valgreiðslu í heimabanka.



Hjálparstarf kirkjunnar

actalliance

ÞÖKKUM STUÐNINGINN





Vændi og glæpir eru því miður oft eina leiðin sem ungmenni í fátækrahverfum Kampala, höfuðborgar Úganda, sjá til að lifa af. Í verkmenntamiðstöðvum sem Hjálparstarfið styður fær unga fólkið hins vegar tækifæri til að læra iðn sér til framfærslu og komast þar með út úr þeim vítahring sem fátæktin viðheldur. Miðstöðvarnar bjóða líka upp á öflugt íþrótt- og tómstundastarf. Í miðstöðinni í Makindye-hverfi er nú meðal annars öflugt lið kvenna í blaki.

Gefum þeim séns!

Hjálparstarf kirkjunnar hefur sent valgreiðslu í heimabanka til landsmanna á aldrinum 30–80 ára upp á 2.400 krónur en við erum að safna fyrir aðstoð við börn og unglunga í fátækrahverfum í Kampala, höfuðborg Úganda. Aðstoðin við unga fólkið er veitt í samstarfi við Lútherska heimssambandið (LWF) í Úganda og Ugandan Youth Development Link, UYDEL, í fátækrahverfum í Rubage, Nakawa og Makindye sem eru stór hverfi í Kampala, höfuðborg Úganda.

Verkefnið hófst fyrir ári síðan en við ætlum að aðstoða 1.500 börn og ungmenni á aldrinum 13–24 ára á þrem árum eða um 500 á ári. Við viljum að unga fólkið fái þjálfun sem gefur þeim betri möguleika til að fá störf og að þau geti komið undir sig fótunum. Þau fá svo líka fræðslu um kynheilbrigði og rétt sinn til heilbrigðisþjónustu.

Á árinu 2017:

- stunduðu 658 ungmenni starfsnám í hárgreiðslu, rafvirkjun, fataiðn, þrjón, dans- og sönglist og tóku þátt íþróttum.
- fengu 30 sjálfbóðaliðar þjálfun í að veita jafningjafræðslu um kynheilbrigði og rétt til heilbrigðisþjónustu en þeir héldu svo námskeið fyrir samtals 1.899 ungmenni um kynheilbrigði, réttindi og skyldur og úthlutuðu 16.000 smokkum.
- tóku 300 unglingar þátt í þriggja daga námskeiði í verslunarfræðum og 60 tóku þátt í að mynda sparnaðarhópa.
- var haldin vinnustofa með leiðtogum í samfélaginu og öðrum hagsmunaaðilum til að veita upplýsingar um verkefnið og afla stuðnings samfélagsins við það.

Tæplega 70% þátttakenda í verkefninu árið 2017 voru stúlkur og flestir voru á aldrinum 15–19 ára. Gott samstarf var við samfélagsleiðtoga um það hvaða ung-

lingar þyrftu helst á aðstoð að halda og við einkafyrirtæki sem buðu unga fólkinu í starfsnám eftir námið í verkmenntamiðstöðvunum.

Við erum ánægð með fyrsta ár verkefnisins og leitum stuðnings til að halda starfinu áfram.



Stúlkan sem er á forsíðumynd Margt smátt ... að þessu sinni heitir auðvitað ekki Hulda Sóley Jónsdóttir eins og þar er sagt. Hennar rétta nafn er Naluwu Madrine. Hún er nú útskrifuð saumakona frá verkmenntamiðstöðinni í Makindye-hverfi í Kampala og er farin að vinna fyrir einkafyrirtæki. Hún saumaði kjólinn sem hún er í á myndinni í verknáminu. Okkur finnst hann flottur páskakjól.

Af hverju að hjálpa unglingum í Úganda?

Úganda er eitt af fátækustu ríkjum heims en meðalaldur þar er 16 ár. Samkvæmt Alþjóðabankanum er atvinnuleysi meðal ungs fólks hvergi meira í heiminum en í Úganda þar sem um 60% unga fólksins eru án atvinnu.

Ástandið er alvarlegast í höfuðborginni Kampala en þangað flykkist ungt og oftast ómenntað fólk úr sveitum landsins í von um betra líf.

Margra þeirra bíður hins vegar að kúldrast í fátækrahverfum þar sem neyðin rekur þau til að taka þátt í glæpagengjum eða selja líkama sinn til að geta séð sér farborða.

Börn og unglingar í höfuðborginni eru því útsett fyrir misnotkun af ýmsu tagi og eymdin leiðir til þess að þau verða auðveldlega fíkniefnum að bráð.

Hjálparstarf kirkjunnar vinnur með Lútherska heimssambandinu (LWF) og Ugandan Youth Development Link (UYDEL) að því að bæta lífsmöguleika þeirra sem búa við sárustu fátæktina og gefa þeim tækifæri til þess að skapa sér farsælt líf. Við viljum gefa þeim séns!

ÞÖKKUM STUÐNINGINN



Í verkmenntamiðstöðvunum er kennt á þrjónavél en stelpan á myndinni er einmitt í peysu sem hún þrjónaði sjálf.

Sama aðferð í starfi á Íslandi og í Úganda

Aðferð félagsráðgjafa UYDEL, samstarfsaðila Hjálparstarfs kirkjunnar í Kampala, er sú sama og aðferð félagsráðgjafa Hjálparstarfsins sem aðstoða fólk í félagslegri neyð á Íslandi: Að stuðla að sterkari sjálfsmynd krakanna, aukinni virkni og verkfærni svo þau geti séð sér farborða á mannsæm- andi hátt.

Í verkmenntamiðstöðvunum er boðið upp á nám í tölvuviðgerðum og almennri en einfaldri rafvirkjun, fatasam og fataprjón, töskugerð, sápugetur, hárgreiðslu og förðun, eldamennsku og þjónustarfi. Kennt er fyrir hádegi en boðið upp á frístundastarf og íþróttir eftir hádegi.

Eitt af því sem unglungarnir geta lagt stund á er dans og trumbusláttur en í Kampala er vinæslt að ráða danshópa til að sýna hefðbundinn dans í veislum við ýmis tækifæri. Dansinn og tónlistina geta unglungarnir þannig nýtt sér til framfærslu. Almennt ríkir góð stemning í miðstöðvunum og greinilegt að unglungunum líður þar vel.



Krakkarnir læra að flétta og sauma töskur sem þau geta svo selt á markaði.



Stelpurnar sem læra fatasam geta annað hvort starfað fyrir aðra í framhaldinu eða stofnað eigið fyrirtæki og selt kjólana sem þær sauma.



Tölvuviðgerðir og rafvirkjun eru vinsælar námsgreinar sérstaklega meðal stráka.



Unglingarnir læra að baka, elda mat og bera hann fram.



Eftir hádegi eru tónlist og íþróttir á dagskrá í verkmenntamiðstöðvunum.

Bestu þakkir til Hallgrímssóknar fyrir rausnarlegt framlag til starfsins

Við messu í Hallgrímskirkju þann 21. janúar síðastliðinn afhenti Hallgrímssókn Hjálparstarfi kirkjunnar hátt í fjórar milljónir króna sem söfnuðust í Hallgrímskirkju á síðasta ári.

Um 20 ár eru liðin frá því farið var að gera tilraunir með messusamskot í Hallgrímskirkju og urðu þau fljótlega að föstum lið.

Á jólafundi sóknarnefndar í Hallgrímssókn var ákveðið að úthluta 4 milljón- um króna úr líknarsjóði kirkjunnar til hjálparstarfs og kristniboðs, en sjóðurinn hefur tekjur sínar af framlögum,

bænastjaka og söfnunarbauknum Grænu tunnunni.

Auk þess bað Hallgrímssöfnuður Hjálparstarfs kirkjunnar að koma 1 milljón króna úr líknarsjóði í landssöfnunina „Vinátta í verki“ til stuðnings þeim sem áttu um sárt að binda vegna náttúruhamfaranna á Grænlandi í júní 2017 þegar flóðbylgja gekk yfir smáþorpíð Nuugaatsigq. Hamfarirnar kostuðu fjögur mannslíf og gífurlegt eignatjón.

Í ávarpi sínu minntist Einar Karl Haraldsson, gjaldkeri safnaðarins, sérstaklega á innanlandsstarf Hjálpar-

starfsins sem hefði fært mörgum tækifæri til þess að brjótast út úr víta- hring fátæktar og menntunarskorts, og sagði meðal annars: „Við hér í Hallgrímssöfnuði höfum valið Hjálparstarfið og Kristniboðssambandið sem meginfarvegi fyrir hjálpar- og boðunarstarf vegna þess að við treyst- um þeim og við vitum að þessar stofn- anir hafa til að bera fagþekkingu og réttu tengslin innanlands sem og á al- þjóðavettvangi til þess að rækja köllun sína þannig að þeir fjármunir sem hér safnast komi í réttan stað niður og gagnist sem best.“ Hjálparstarfið þakkar kærlega fyrir stuðninginn!



Kristín Ólafsdóttir fræðslufulltrúi Hjálparstarfs kirkjunnar og Kristján Þór Sverrisson fræðslufulltrúi Sambands íslenskra kristni- boðsfélaga tóku við framlögum Hallgrímssöfnuðar úr hendi Einars karls Haraldssonar gjaldkera Hallgrímssóknar (fyrir miðju).



Unglingar í Kjalarnesprófastsdæmi, þar á meðal í Bessastaðasókn, sýndu samkennd í verki á æskulýðsdegi Þjóðkirkjunnar og söfnuðu um hálfri milljón króna svo munaðarlaus börn í Úganda fái þak yfir höfuðið.

Unglingar á Íslandi aðstoða munaðarlaus börn í Úganda

Í tilefni æskulýðsdags Þjóðkirkjunnar þann 4. mars síðastliðinn ákváðu börn og unglíngar í Kjalarnesprófastsdæmi að safna fyrir múrssteinshúsum fyrir munaðarlaus börn í Úganda. Þau seldu m.a. kaffi, kakó og vöffur, gengu í hús, tóku við framlögum með samskotum við guðsþjónustur og söfnuðu samtals um hálfri milljón króna til þess að tryggja jafnöldrum sínum í Úganda þak yfir höfuðið, vatn, og hreinlætisaðstöðu.

Þegar stelpa ein sem tók þátt í verkefninu með því að selja vöffur var spurð hvers vegna hún gerði það, svaraði hún: „Ég vil vera með, því ég vil að allir eigi heimili. Öll börnin í heiminum eiga að standa jafnt.“ Þetta er vitnisburður um kærleika í verki. Minnir á hversu dýrmætt er, að unga fólk þið láti að sér kveða og taki virkan þátt í að skapa þeim sem minna mega sín bjartari framtíð.



„Ég vil að allir eigi heimili“ sagði skottan sem lagði sitt af mörkum með því að hræra í vöffur.

Aðstoð sem veitt er munaðarlausum og alnæmissjúkum í Rakai og Lyantonde:

- Einföld múrssteinshús með þremur aðskildum rýmum
- Rúmdýnur, teppi og moskítónet
- Söfnunartankar fyrir rigningrvatn
- Útieldhús með sparhlóðum og eldhúsáhöld
- Kamrar
- Handþvottaaðstaða og aðstaða til þvotta
- Fræðsla um nauðsyn hreinlætis og smitleiðir sjúkdóma
- Geitur til fæðu- og tekjuöflunar
- Fræ, útsæði og verkfæri til að rækta grænmeti í húsgarðinum
- Stjórnvöld eru hvött til að svara betur þörfum munaðarlausra barna og veikburða fólks með alnæmi
- Fræðsla er veitt um afleiðingu ofbeitar



Fólkið fær fræðslu um smitleiðir sjúkdóma og hvernig sé hægt að auka hreinlæti, meðal annars með því að búa til þvottagrindur sem halda óhreinindum frá áhöldunum.

Hjálparstarf kirkjunnar hefur unnið með Lútherska heimsambandinu og samtökunum Rakai Community Based AIDS Organization (RACOBAAO) í héraðinu Rakai og Lyantonde í ellefu ár. Fátækt mælist þar mun meiri en annars staðar í landinu en 35% íbúanna, fyrst og fremst konur og börn, búa við sára fátækt. Á svæðinu er nýsmit HIVveirunnar þónokkuð algengara en annars staðar í landinu og stúlkur á aldrinum 15–24 ára eru mun útsettari en aðrir.

Skjólstaðingar Hjálparstarfsins eru fyrst og fremst börn sem misst hafa foreldra sína úr alnæmi og búa ein en líka HIVsmiðar einstæðir foreldrar og ömmur sem hafa börn á framfæri og búa við sára fátækt og mikið óöryggi en þegar fáir eða engir ættingjar eru til staðar eru börnin útsett fyrir misnotkun og jaðarsetningu. Þau hafast við í hreysum, hafa takmarkað aðgengi að vatni og hreinlætisaðstöðu. Sár fátækt þeirra kemur í veg fyrir að þau geti sótt skóla.



Rennur eru á þökum húsanna og rennur vatn úr þeim í tanka sem reistir eru hlið húsanna. Vatnið í tönkunum dugar fjölskyldunum langt inn í þurrkatímann.



Fólkið býr til handþvottaaðstöðu hjá kömrnunum. Sérstakt fótstig kemur buninni af stað úr brúsanum og kemur í veg fyrir að fólk snerti stútinn fyrir handþvott.

Árið 2018 ætla Hjálparstarfið að reisa hús fyrir þær þrjár fjölskyldur sem verst eru settar. Brýnasta verkefnið er að reisa einföld múrsteinshús með bárujárnsþaki, eldaskála, kamar og vatnstank sem í safnast rigningarvatn. Fjölskyldurnar fá svo húsbúnað og áhöld, fræðslu um samband hreinlætis og smithættu og hvernig bæta má hreinlætisaðstöðu.

Síðast en ekki síst fá börnin tíma til að ganga í skóla í stað þess að fara um langan veg eftir vatni.

Með stuðningnum gefst fjölskyldunum tækifæri til að vera virkar og viðurkenndar í samfélaginu en það finnst þeim mest um vert. Fleiri í samfélaginu eða um 40 fjölskyldur fá geitur og tækifæri til að rækta grænmeti til að auka fæðuval og möguleika á tekjuöflun.



Fjölskyldurnar fá rúm og moskítónet sem er góð vörn gegn malaríusmiti.



Með geitunum má fá fjölbreyttari fæðu en ella og svo er hægt að selja umframafurðir en það bætir afkomuna.

Úr hreyysi í öruggt hús

- Beatrice Kyomuhangi, börnin hennar og tengdamamma



Beatrice Kyomuhangi er ekkja og fjögurra barna móðir en eiginmaður hennar er látinn vegna alnæmis. Þorpsráðið í Rakai í Úganda ákvað árið 2013 að Beatrice, börnin hennar og tengdamamma yrðu næst í röðinni til að fá nýtt hús með útielthúsi og vatnssöfnunartanki frá Hjálparstarfinu.



Árið 2014 var húsið hennar Beatrice hlaðið úr múrsteinum og múrað innan og utan. Húsið er viðhaldsfrítt fyrstu árin og heldur úti hita, kulda og óboðnum gestum úr dýraríkinu. Með Beatrice og fjölskyldu er Joseph starfsmaður RACOBAAO, samstarfsaðila Hjálparstarfsins.



LINDIN

FJÖLMÍÐLUN ÚTVARP

Bestu fréttirnar eru á FM 102,9!

Þú getur einnig hlustað í beinni á lindin.is, eða notað nýja app Lindarinnar; **Lindin mín**

Kjarninn í náminu á þremur mánuðum

Í janúar hófst þriggja mánaða starfsþjálfun mín hjá Hjálparstarfi kirkjunnar en ég er félagsráðgjafarnemi sem útskrifast með starfsréttindi í sumar. Fyrir vissi ég lítið um Hjálparstarfið en ég lagði upp með að mæta með opinn huga, þekkingarþorsta og jákvæðni í garð þeirra verkefna sem ég kæmi til með að sinna og taka þátt í.

Meginmarkmið starfsins er að rjúfa vítahring fátæktar og að auka virðingu fyrir mannréttindum þeirra einstaklinga sem búa við óréttlæti og fátækt en það kom mér á óvart hversu umfangsmikið starfið er. Frá fyrsta degi hef ég fengið að taka þátt í mörgum og fjölbreyttum verkefnum sem jafnframt eru krefjandi en hafa vakið enn meiri

áhuga minn á fyrirbærinu fátækt og félagslegri einangrun sem oft fylgir.

Starfið er fjölbreytt að því leyti að bæði er um að ræða einstaklingsráðgjöf og hópvinna. Einstaklingar sem nýta sér þjónustuna eru ekki sviptir ábyrgð á lífi og aðstæðum heldur er það haft að leiðarljósi að valdefla þá og aðstoða til sjálfshjálpar, hvetja og styrkja þá til að nýta sér hæfileika sína og getu til virkni í samfélaginu.

Starfið felur það í sér að draga fram kjör og vekja athygli á aðstæðum þeirra sem ekki eiga sér málsvara og berjast fyrir aðgerðum sem auka möguleika fólksins á að lifa farsælu lífi; það er að berjast fyrir félagslegum umbótum og

réttindum með notandasamráð, valdeflingu og sjálfsákvörðunarrétt einstaklinga að leiðarljósi en félagsráðgjafar Hjálparstarfsins og notendur þjónustunnar vinna saman að því viðfangsefni að auka farsæld hvers og eins og þar með samfélagsins í heild.

Sú sýn sem ég hef fengið inn í aðstæður einstaklinga sem búa við fátækt á Íslandi í starfsþjálfun hjá Hjálparstarfinu er ómetanlegt veganesti og á eftir að fylgja mér í framtíðinni, bæði í persónulegu lífi og framtíðarstörfum sem félagsráðgjafi. Ég er þakklát fyrir starfið sem Hjálparstarf kirkjunnar vinnur og fyrir það að hafa fengið að taka þátt í þeirri frábæru vinnu.

María Bjarnadóttir,
M.A. nemi í félagsráðgjöf við Háskóla Íslands



Á hverjum mánudegi hittast konur úr hópi innflytjenda, flóttafólks og hælisleitenda til að sauma saman fjölnota innkaupatöskur og grænmetisþoka auk þess sem þær borða saman hádegismat. Konurnar koma víða að og hafa ólíkan bakgrunn.

TÖSKUR
með
tilgang

Verkefnið hefur þrefalt hlutverk:

- að gefa konunum tækifæri á að hitta aðra og vera virkar
- að endurnýta efni sem gefið hefur verið
- að stuðla að útrýmingu plasts

Konur sem bíða niðurstöðu hælisumsóknar og þær sem nýverið hafa sest að hér á landi en eru enn utan vinnumarkaðar hafa tjáð þörf fyrir virkni af einhverju tagi. Til að svara þeirri þörf hafa Hjálparstarfið og Hjálpræðisherinn í sameiningu boðið konunum að taka þátt í saumaverkefni sem um leið er til verndar umhverfinu. Konurnar sníða og sauma fjölnota innkaupapoka og -töskur úr efni og/eða notuðum fatnaði sem almenningur hefur gefið og nota til þess saumavélar sem almenningur hefur gefið sömuleiðis. Krónan er meðal þeirra sem styrkja verkefnið og gerir það með því að kaupa 500 töskur.



„Ég hlakka alltaf til samverustundanna á mánudögum. Það er svo gott að hitta aðra og hugsa um eitthvað annað en ástandið heima og fólkið sitt þar,“ segir Kúrdinn Didar Farid Kareen Al-Shatter sem er 26 ára dýralæknir í hælisleit á Íslandi.



„Fjárhagslegt sjálfstæði kvenna hefur haft mest að segja um framfarir hér“

Orðið valdefling er mikið notað í umræðunni um samfélagsmál um þessar mundir og á kaffistofum heyrst sagt að það sé nú bara enn einn innantómi frasinn sem notaður sé án aðgerða sem leiði til raunverulegra breytinga í lífi fólks. Við hjá Hjálparstarfi kirkjunnar fullyrðum hins vegar að valdefling sé aðferð sem best virki til þess að hjálpa fólki til sjálfshjálpar og leiði þar með til sjálfbærni og aukinnar almenningar farsældar. Við höfum orð fólksins sem við vinnum með til þess að rökstyðja mál okkar:

„Fjárhagslegt sjálfstæði kvenna hefur haft mest að segja um framfarir hér,“ sagði öldungur á starfssvæði Hjálparstarfs kirkjunnar í Jijiga í Eþíópíu þegar Bjarni Gíslason framkvæmdastjóri spurði hann í október 2017 hvernig verkefni Hjálparstarfsins hefði breytt aðstæðum fólksins hans.

„Jú,“ sagði hann, vissulega hefði aukið aðgengi að vatni komið öllu af stað og aðstoð í landbúnaði og búfjárrækt bætt lífsskilyrðin á svæðinu svo um munaði en ef hann ætti að nefna eitt-hvað eitt, sem stæði upp úr og sem breytti aðstæðum til lengri tíma litið, væru það valdeflingarverkefni í þágu kvennanna á svæðinu sem gerðu það.

Aðstæður hafa lengi verið þannig í Jijiga að jafnrétti kynjanna er ábótavant en ójafnréttið má rekja til rótgróinnar menningar á svæðinu. Konur hafa verið háðar ákvörðunum eiginmanna sinna um flest í daglegu lífi. Þær hafa hins vegar séð um að selja framleiðslu fjölskyldunnar á markaði, eldamenskuna, sækja eldivið og vatn ásamt því að sjá um börnin.

Konurnar hafa ekki haft völd til að taka ákvarðanir um landnotkun, búfénað

eða fjármál heimilisins. Þær hafa hvorki fengið tilboð um þjálfun eða fræðslu frá stjórnvöldum né heldur sæti við ákvarðanatökuborðið um sveitarstjórnarmál. Konur hafa heldur ekki haft aðgengi að fjármagni til að hefja eigin atvinnurekstur. Þetta valdaleysi kvennanna í fylkinu hefur haft neikvæð áhrif á heilsu og lífsafkomu kvennanna og fjölskyldna þeirra.

Stór þáttur í verkefni Hjálparstarfsins á svæðinu er að stuðla að auknu valdi og áhrifum kvenna en síðan árið 2014 hafa um 400 konur tekið þátt í sparnaðar- og lánaþópum kvenna og sem eru starfandi nú. Konurnar hafa fengið fræðslu um það hvernig koma má auga á arðbærar viðskiptahugmyndir, hvar og hvenær er best að stunda mismunandi viðskipti og upplýsingar um sparnaðarleiðir og lánamöguleika. Konur sem hafa áhuga á að hefja at-

vinnurekstur fá tækifæri með því að vinna saman í hópum sem bera sameiginlega ábyrgð á verkefnum.

Konurnar hafa fengið fræðslu og lán en hver og ein fær sem svarar um 22.000 krónum til að hefja atvinnurekstur svo sem geitarækt, laukurækt og smáverslunarrekstur. Konurnar greiða lánin til baka og nota síðan tekjur af rekstrinum til þess að greiða kostnað við skólagöngu barna sinna og til þess að kaupa dagvöru, fatnað og nytjahluti fyrir heimilið. Síðast en ekki síst hafa tekjurnar nýst til að kaupa vatn yfir versta þurrkatímann. Til þess að ýta undir breytingar er jafnframt fundað með skoðanaleiðtogum í fylkinu um leiðir til að afnema skaðlegar venjur eins og limlestingar á kynfærum kvenna og það að gefa stúlkur barnungar í hjónaband.



Bjarni Gíslason, framkvæmdastjóri Hjálparstarfs kirkjunnar, ræðir við öldunga í Jijiga í Eþíópíu um árangur starfsins á svæðinu í október 2017.

Öldungurinn sagði við Bjarna að konurnar hefðu öðlast aukið sjálfstæði eftir að hafa sótt sér fræðslu um verslunarrekstur og fengið lán til að hefja rekstur smávöruverslana. Þetta aukna

sjálfstæði sagði hann hafa leitt til betra samkomulags milli hjóna og að með auknum tekjum fjölskyldunnar væri hægt að fæða og klæða börnin og koma þeim í skóla. Með auknu sjálf-

stæði hefðu konurnar líka fengið meira sjálfstraust og að það leiddi til þess að á þær væri hlustað og að þær væru nú frekar með í því að taka ákvarðanir um samfélagsmál.



Alþjóðlegt hjálpstarf kirkna aðstoðar Rohingya í Bangladesh til ársloka 2019

Að minnsta kosti 600 þúsund Rohingya hafa flúið frá Myanmar frá því í lok ágúst 2017 þegar stjórnarherinn og vígasveitir búddista í Rakhine-héraði réðust á fólkið.

Aðildarstofnanir Alþjóðlegs hjálpstarfs kirkna, ACT Alliance, Christian Aid, DCA, Diakonia og ICCO Cooperation hafa aðstoðað Rohingya á flóttu í Bangladesh frá því í október 2017. Næstu tvö ár munu þær tryggja þúsundum fjölskyldna mat og drykk, þak yfir höfuðið, hreinlætisaðstöðu, heilsugæslu og lækniþjónustu. Fólki með áfallastreitu er sinnt sérstaklega með sálrænum stuðningi.

Móttökusamfélagið í Cox's Bazar í Bangladesh fær auk þess stuðning til þess að halda úti þjónustu en bágir innviðir í einu fátæktasta samfélagi heims duga skammt þegar stór straumur flóttafólks þarf á aðstoð að halda. Í desember síðastliðnum gerðu svo Alþjóðlegt hjálpstarf kirkna, ACT Alliance, og Barnahjálp Sameinuðu þjóðanna, UNICEF, með sér samkomulag um að starfa saman að því að tryggja enn frekar að börn á svæðinu njóti verndar og stuðnings.



Ung stúlka lyftir litla bróður á loft. Þau eru nýkomin yfir landamærin frá Myanmar í Kutupalong flóttamannabúðir í útjaðri Cox's Bazar í Bangladesh þar sem þau njóta aðstoðar Alþjóðlegs hjálpstarfs kirkna, ACT Alliance.

Mynd tekin með leyfi foreldra: ACT Alliance/Paul Jeffrey.

Brýn mannúðaraðstoð veitt stríðshrjáðum Sýrlendingum

Utanríkisráðuneytið samþykkti í febrúar beiðni Hjálparstarfsins um styrk til að aðstoða stríðshrjáða Sýrlendinga og Hjálparstarfið sendi í beinu framhaldi alls 26 milljónir og 330 þúsund króna framlag Íslendinga til Lútherska heimssambandsins í Jórdaníu. Þar fær flóttafólk sem er nýkomið yfir landamærin aðstoð við að koma sér fyrir í nýju samfélagi, sálfélagslega þjónustu og stuðning við að afla sér lífsviðurværis.

Í Jórdaníu er flóttafólk frá Sýrlandi um 650 þúsund talsins. Lútherska heimssambandið aðstoðar meðal annars með því að bjóða upp á starfsnám og greiðslu fyrir vinnuframlag. Skólagjöld eru greidd fyrir nem-

endur og konur fá þjálfun og aðstoð við að koma sér upp smávöruverslun sér til lífsviðurværis. Börnum og unglingum er veittur sálrænn stuðningur og konum er veitt sálfélagsleg þjónusta.

Aðstoðin er liður í heildstæðu verkefni Alþjóðlegs hjálpstarfs kirkna, ACT Alliance, sem bað aðildarstofnanir sínar um 10,2 milljónir Bandaríkjadala til að veita 180 þúsund manns mannúðaraðstoð vegna átakanna í Sýrlandi á árinu 2018. Aðstoðin er veitt innan landamæra Sýrlands, í Jórdaníu og í Líbanon en langflestir þeirra sem flýja átökin í Sýrlandi leita hæl- is í þessum tveimur nágrannaríkjum.

Átökin í Sýrlandi hafa nú varað í sjö ár og meira en helmingur íbúanna hefur neyðst til að yfirgefa heimili sín. Samkvæmt Flóttamannastofnun Sameinuðu þjóðanna þurfa nú 13,5 milljónir Sýrlendinga á mannúðaraðstoð að halda, þar af eru 6,3 milljónir íbúa á ver-gangi innan landamæra Sýrlands. Um 13 milljónir manns hafa ekki aðgengi að heilbrigðisþjónustu og 5,8 milljónir íbúanna hafa verið í eldlínunni oftar en einu sinni og endurtekið þurft að yfirgefa heimili sín. Um helmingur þeirra sem eru á flóttu eru á barnsaldri. Neyð þeirra er mikil og þörfin fyrir aðstoð er brýn.



Alþjóðlegt hjálpstarf kirkna veitir börnum á flóttu frá Sýrlandi sálrænan stuðning og greiðir skólagjöld fyrir þau til sveitarfélaga í Jórdaníu sem taka á móti flóttafólkinu.



Fimm ára ábyrgð

Fjór hjóladrifin skemmtun = páskafrí + sumarfrí + vetrarfrí

TIVOLI

425.000 kr.
kaupauki

Toyo harðskeljadekk	130.000
Dráttarveisli	195.000
Eldsneytiskort	100.000
Kaupauki samtals:	425.000

Taktu fríð í Tivoli frá SsangYong. Sportjeppinn Tivoli er allt í senn, flottur, ríkulega búinn, fjór hjóladrifinn og ævintýrilega góður í akstri. Tivoli er fyrir þá kröfuhörðu sem kunna að meta stílhreina hönnun, gegnheil gæði, fimm ára ábyrgð og frábært verð.

- + Ríkulegur staðalbúnaður
- + 1,5 tonna dráttargeta
- + Fjór hjóladrif með læsingu

SsangYong Tivoli - verð frá:

3.490.000 kr.



Verið velkomin í reynsluakstur | benni.is.

Reykjavík
Krókháls 9
Sími: 590 2020

Reykjanesbær
Njarðarbraut 9
Sími: 420 3330

Bílaríki, Akureyri
Glerárgötu 36
Sími: 461 3636



Sérfræðingar í bílum